

1994 nr. 78 19. maí

Lög um leikskóla

I. kafli. Gildissvið.

■ **1. gr.** Lög þessi taka til starfsemi leikskóla. Leikskólinn er fyrsta skólastigið í skólakerfinu og er fyrir börn undir skólaskyldualdri. Er þá miðað við 1. september það ár sem börnin verða 6 ára. Leikskóli annast í samræmi við lög þessi að ósk foreldra uppeldi og menntun barna á leikskólaaldri undir handleiðslu sémenntaðs fólkis í leikskólauppeldi.

II. kafli. Markmið.

■ **2. gr.** Samkvæmt lögum þessum skal meginmarkmið með uppeldi í leikskóla vera:

- að veita börnum umönnun, búa þeim holtt uppeldisumhverfi og örugg leikskilyrði,

- að gefa börnum kost á að taka þátt í leik og starfi og njóta fjölbreyttra uppeldiskosta barnahópsins undir leiðsögn leikskólkennara,

- að kappkosta í samvinnu við heimilin að efla alhlíða broska barna í samræmi við eðli og þarfir hvers og eins og leitast við að hlúa að þeim andlega og líkamlega svo að þau fái notið bernsku sinnar,

- að stuðla að umburðarlyndi og vífásýni barna og jafna uppeldisaðstöðu þeirra í hvívetna,

- að efla kristilegt siðgæði barna og leggja grundvöll að því að börn verði sjálfstæðir, hugsandi, virkir og ábyrgir þáttakendur í lýðræðispjóðfélagi sem er í örri og sifelliri þróun,

- að rækta tjáningar- og sköpunarmátt barna í þeim tilgangi að styrkja sjálfsmynd þeirra, öryggi og getu til að leysa mál sín á friðsamlegan hátt.

III. kafli. Yfirstjórn.

■ **3. gr.** Menntamálaráðuneytið fer með yfirstjórn þeirra mála sem lög þessi taka til. Það gætir þess að farið sé eftir ákvæðum sem lög þessi og reglugerð með þeim mæla fyrir um, sbr. 6. gr.

■ **4. gr.** Menntamálaráðuneytið mótar uppeldisstefnu leikskóla, sinnir þróunar- og tilraunastarfi og mati á uppeldistarfi leikskóla og er stjórnendum þeirra til ráðuneytis um starfsemina.

□ [Menntamálaráðherra setur leikskólum aðalnámskrá leikskóla. Þar skal kveðið á um uppeldis- og menntunarhlutverk leikskólangs, gildi leiksins og meginstefnu varðandi starfshætti og innra gæðamat.

□ Menntamálaráðuneytið hefur aðalnámskrá leikskóla stöðugt til endurskoðunar, sér um útgáfú hennar¹⁾ og breytingar þörf er talin á. Auglýsing um gildistöku aðalnámskrár leikskóla skal birt í Stjórnartíðindum.]²⁾

¹⁾ Augl. 315/1999. ²⁾ L. 47/2001, 1. gr.

■ **5. gr.** Menntamálaráðuneytið stuðlar að þróunar- og tilraunastarfi innan leikskólangs. Í því skyni skal árlega varið fá í þróunarsjóð með fjárlögum samkvæmt ákvörðun Alþingis. Menntamálaráðuneytið ákveður skiptingu fjárlins.¹⁾

¹⁾ Rg. 163/2001.

■ **6. gr.** Menntamálaráðherra skal, að fengnum tillögum starfshóps menntamálaráðuneytisins og Sambands íslenskra sveitarfélaga, setja reglugerð um starfsemi leikskóla.¹⁾ Í reglugerðinni skal m.a. kveðið á um gæðaeftirlit menntamálaráðuneytisins með starfsemi leikskóla, gerð áætlana um uppbyggingu leikskóla, samstarf leikskóla við foreldra og grunnskóla, um heilsugæslu, um öryggi barna, um lágmarks-kröfur til húsnaðis og aðbúnaðar barna og starfsfólkis í leik-

skólum að svo miklu leyti sem kjarasamningar taka ekki til þeirra atriða, um lengd daglegs dvalartíma barna í leikskólum, um aðstoð og þjálfun barna skv. 16. gr., um ráðgjafar- og sálfræðipjónustu leikskóla og starfssvið hennar og um starfsemi, húsnaði og starfsmannahald í leikskólum með sérstökum tilliti til fatlaðra barna sem þar dvelja.

¹⁾ Rg. 225/1995, sbr. 365/2001.

IV. kafli. Hlutverk sveitarfélaga. Stofnun og rekstur leikskóla.

■ **7. gr.** Bygging og rekstur leikskóla skal vera á kostnað og í umsjón sveitarstjórn og sjá þær um framkvæmd þessara laga, hver í sínu sveitarfélagi, þeim er skyld að hafa forustu um að tryggja börnum dvöl í góðum leikskóla. Heimilt er öðrum aðilum að reka leikskóla að fengnu samþykki viðkomandi sveitarstjórnar. Tilkynna skal menntamálaráðuneytinu um stofnun nýs leikskóla. Sveitarstjórnir skulu árlega senda menntamálaráðuneytinu ársskýrslu um starfsemi leikskóla.

■ **8. gr.** Sveitarfélög skulu ekki sjaldnar en á tveggja ára fresti meta þörf fyrir leikskólarými. Á grundvelli þess mats verði gerð áætlun til priggja ára í senn um uppbyggingu leikskóla í viðkomandi sveitarfélagi og skal við gerð hennar höfð hliðsjón af heildarhagsmunum sveitarfélagsins. Endurskoða skal áætlunina á tveggja ára fresti. Áætlun um uppbyggingu leikskóla skal send menntamálaráðuneytinu.

■ **9. gr.** Leikskólanefnd, kjörin af sveitarstjórn, fer með málefni leikskóla í umboði sveitarstjórnar. Einn fulltrúi starfsfólk leikskóla og einn fulltrúi foreldra leikskólabarna eiga rétt til setu á fundum leikskólanefndar með málfreli og tillögurétti. Heimilt er sveitarstjórn að sameina nefndir þannig að ein nefnd fari með verkefni á fleiri en einu svíði, sbr. 58. gr. sveitarstjórnarlaga, nr. 8/1986.¹⁾ Þar sem sveitarfélög hafa sameinast um rekstur leikskóla skulu þau öll eiga fulltrúa í þeirri nefnd sem fer með málefni leikskóla.

¹⁾ Nú l. 45/1998.

■ **10. gr.** Sveitarstjórn/skólaskrifstofur skulu stuðla að eðli-legum tengslum og samstarfi leikskóla og grunnskóla og vera samstarfsvettvangur þeirra í viðkomandi sveitarfélagi.

■ **11. gr.** Í sveitarfélögum skulu að jafnaði starfa leikskólafulltrúar sem eru starfsmenn sveitarfélaga. Leikskólafulltrúi skal í umboði leikskólanefndar og í samvinnu við leikskólastjóra sinna ráðgjöf og eftirliti með starfsemi í leikskólum innan sveitarfélagsins og stuðla að samstarfi þeirra innbyrðis. Sveitarfélög geta ráðið sameiginlegan leikskólafulltrúa, hvort sem þau reka sameiginlegan leikskóla eða ekki. Leikskólafulltrúi skal hafa leikskólkennaramenntun.

V. kafli. Starfsfólk leikskóla og samstarf við foreldra.

■ **12. gr.** Við hvern leikskóla skal vera leikskólastjóri sem stjórnar starfi leikskólangs í umboði rekstraraðila eftir því sem nánar seigir í lögum þessum og reglugerð er sett verður samkvæmt þeim. Leikskólastjóri og það starfslið er annast uppeldi og menntun barna skal hafa menntun leikskólkennara. [Heimilt er að starfsfólk án leikskólkennaramenntunar taki þátt í að annast uppeldi og menntun barna undir stjórn leikskólkennara, enda fáist ekki leikskólkennari til starfsins. Nánar skal kveðið á um leiðbeiningar- og stjórnunarhlutverk leikskólkennara í reglugerð.]¹⁾

□ Leikskólastjóri ber ábyrgð á að gera áætlanir um uppeldisstarf leikskólangs í samræmi við lög þessi. Leikskólastjóri skal árlega gera rekstraraðila grein fyrir starfsemi leikskóla.

- Sveitarstjórn setur starfsfólki leikskóla erindisbréf í samræmi við lög þessi og reglugerð er sett verður samkvæmt þeim.

¹⁾ L. 47/2001, 2. gr.

- **13. gr.** Leikskólastjóri skal halda reglulega fundi með starfsfólki um starfsemi leikskólans og velferð hvers barns.

- **14. gr.** Leikskólastjóra er skyldt að stuðla að samstarfi milli foreldra barnanna og starfsfólks leikskólans með velferð barnanna að markmiði. Sé óskarð eftir stofnun foreldrafélags skal leikskólastjóri aðstoða við stofnun þess.

VI. kaffi. Réttur leikskólabarna til sérstakrar aðstoðar og þjálfunar. Ráðgjafarþjónusta.

- **15. gr.** Börn á leikskólaaldri, sem vegna fötlunar, tilfinningalegra eða félagslegra erfiðleika þurfa sérstaka aðstoð og

þjálfun, eiga rétt á henni innan leikskólans undir handleiðslu sérfræðinga.

- **16. gr.** Ráðgjafar- og sálfræðipjónusta fyrir leikskóla skal veita foreldrum barna og starfsfólki leikskóla nauðsynlega ráðgjöf og þjónustu sem nánar verður kveðið á um í reglugerð um starfssvið þjónustunnar. Ráðgjafar- og sálfræðipjónusta fyrir leikskóla getur verið rekin sameiginlega með ráðgjafar- og sálfræðipjónustu grunnskóla.

- **17. gr.** Leikskólar skulu þannig byggðir og reknir að þeir geti sinnt fötluðum börnum.

VII. kaffi. Gildistaka.

- **18. gr.** Lög þessi öðlast þegar gildi . . .

- **Ákvæði til bráðabirgða.** Í lögum þessum tekur starfsheitið leikskólakennari til þeirra sem lokið hafa viðurkenndu fóstrunámi.